



vischnaunca da  
**sumvitg**

# Reglament da parcadis

## **C u n t e g n**

---

<b>I.</b>	<b>Determinaziuns generalas</b>	<b>3</b>
Art. 1	Intent	3
Art. 2	Parcadis necessaris	3
Art. 3	Affittaziun da parcadis reservai	3
Art. 4	Vendita da parcadis	4
<b>II.</b>	<b>Taxas</b>	<b>4</b>
Art. 5	Taxas da parcar	4
Art. 6	Adattaziun dallas taxas	4
Art. 7	Levgiament	4
Art. 8	Applicaziun dallas entradas	4
<b>III.</b>	<b>Determinaziuns finalas</b>	<b>4</b>
Art. 9	Responsabladad, controlla e castitgs	4
Art. 10	Abrogaziun e vigur	5

Tenor art 61 al. 5 dalla lescha da baghegiar relai la vischnaunca da Sumvitg il suandont reglament da parcadis.

## **I. Determinaziuns generalas**

---

### **Art. 1 Intent**

Quest reglament regla igl uorden da parcar, mantener, midar, engrondir, ereger e financiar parcadis. Cheutras vul la vischnaunca gidar a procurar per in diember sufficient da parcadis sco era per in bien uorden da parcar.

### **Art. 2 Parcadis necessaris**

<sup>1</sup> Il diember dils parcadis necessaris tier baghetgs novs sco era tier renovaziuns che portan dapli traffic vegn fixaus tenor art. 61 al. 1 e 2 dalla lescha da baghegiar.

<sup>2</sup> Sebasont sin art. 61 al. 3 dalla lescha da baghegiar sto vegnir pagau taxas da parcar ellas suandontas situaziuns:

- a) Persunas domiciliadas en vischnaunca ch'ein proprietarias da vehichels a motor e disponan buca da parcadis per lur vehichels ni che han parcadis che han buca sufficienta grondezia (sco directiva valan las normas dall'uniun dil specialists da vias VSS) ein obligai da separticipar ad in stabiliment communabel da parcar eregius sin basa publica ni privata ni da pagar ina taxa da parcar.
- b) Proprietaris da casas da vacanzas e da habitaziuns da vacanzas che disponan buca dils parcadis necessaris tenor lescha da baghegiar ni che han parcadis che han buca sufficienta grondezia (sco directiva valan las normas dall'uniun dil specialists da vias VSS) ein obligai da separticipar ad in stabiliment communabel da parcar eregius sin basa publica ni privata ni ston pagar ina taxa da parcar per mintga habitaziun.
- c) Tuts proprietaris da restaurants, hotels, stizuns, biros e stabiliments che disponan buca dil diember da parcadis tenor lescha da baghegiar ni che han parcadis che han buca sufficienta grondezia (sco directiva valan las normas dall'uniun dil specialists da vias VSS) ein obligai da separticipar ad in stabiliment communabel da parcar eregius sin basa publica ni privata ni ston pagar ina taxa da parcar.

<sup>2</sup> Tier parcadis existents che vegnan duvrai per in auter intent e san buca vegnir remplazzai sto medemamein vegnir pagau ina taxa da parcar pils parcadis che mauncan.

### **Art. 3 Affittaziun da parcadis reservai**

<sup>1</sup> En cass specials sa la suprastanza communal affittar parcadis reservai. Tals parcadis san vegnir marcai digl affittader.

<sup>2</sup> Mintga affittader ei obligaus da procurar per uorden sil parcadi ed ei sez responsabels per la dismessa dalla neiv.

#### **Art. 4 Vendita da parcadis**

En cass specials sa la suprastanza communal vender parcadis. Il preci da vendita sto cuvierer ils cuosts da construcziun per parcadis.

## **II. Taxas**

---

#### **Art. 5 Taxas annualas da parcar**

<sup>1</sup> Tgi che dispona buca da parcadis tenor art. 2 da quest reglament, astga parcar siu vehichel sin intschess communal mo cun pagar ina dallas suandontas taxas:

- |   |        |
|---|--------|
| a) proprietaris da vehichels domiciliai en vischnaunca tenor art. 2 a)                | 100.-- |
| b) proprietaris da casas e habitaziuns da vacanzas tenor art. 2 b)                    | 80.--  |
| c) proprietaris da restaurants, hotels, stizuns, biros e stabiliments tenor art. 2 c) | 100.-- |
| d) parcadis reservai e marcai tenor art. 3  | 500.-- |

<sup>2</sup> Excepiu art. 3 da quest reglament dat la lubientscha negin dretg ad in cert parcadis.

#### **Art. 6 Adattaziun dallas taxas**

Las taxas da parcar vegnan adattadas mintga 5 onns entras la suprastanza communal.

#### **Art. 7 Levgiament**

Tier circumstanzas extraordinarias u sche las taxas da parcar muntan memia gronda direzia pil petent sa la suprastanza communal reducir ni relaschar las taxas da parcar.

#### **Art. 8 Applicaziun dallas entradas**

Tuttas entradas che seresultan dallas taxas da parcar ein d'impunder per ils intents tenor art. 1 da quest reglament.

## **III. Determinaziuns finalas**

---

#### **Art. 9 Responsabladad, controlla e castitgs**

<sup>1</sup> La vischnaunca surpren negina responsabladad per donns elementars ed enguladetschs sco era per donns caschunai vid vehichels parcai sin siu terren.

<sup>2</sup> La suprastanza communal exequescha quest reglament e procura per las controllas necessarias.

<sup>3</sup> Ella punescha surpassaments da quest reglament cun in castitg entochen frs. 500.--.

**Art. 10 Abrogaziun e vigur**

<sup>1</sup> Quest reglament remplazza il Regulativ da parcadis dalla vischnaunca da Sumvitg dils 16 da december 1994.


<sup>2</sup> Quest reglament passa en vigur cun l'approbaziun entras la radunonza communal dils 28 da zercladur 1999.

Il president communal



Placi Michèl Wenzin

Igl actuar communal



Martin Monn